

翁方綱編年譜
施國祁編年譜


元邊山集



附錄三



~ 16
2700
14



門 16
2700
卷 14

元遺山先生年譜

大興翁方綱正三編

平定張穆廉友

校梓

金章宗明昌元年庚戌

月 日生

元郝經遺山先生墓銘先生諱好問字裕之太原秀容人

系出拓跋魏故姓元氏

集中自注云余家自五代以後自汝州遷平定宋末又自平定遷於

忻故文字中以平定為鄉郡○曾大父春忠顯校尉隰州

團練使大父滋善儒林郎銅山府君贈朝列大夫父格顯

武將軍鳳翔府路第九處正將兼行隴城縣令騎都尉河

南縣開國男食邑三百戶妣河南縣君張氏

南冠錄引予以始生之七月出繼叔氏隴城府君方綱按

江都郭氏金詩注云其叔父令陵川時尙未以先生為子

昭和十一年
二月十三日
辨求

誤也

方綱又按金史文藝傳元德明累舉不第放浪山水間飲酒賦詩以自適年四十八卒有東巖集三卷子好問取知名此先生本生父所謂東巖府君是也郝經遺山先生墓銘云父格顯武將軍鳳翔府路第九處正將兼行隴城縣令此先生之繼父所謂隴城府君是也先生集中為第四女配婿祭廟文云敢告於顯伯考贈中順大夫東巖府君顯伯妣河南郡太君王氏顯考廣威隴城府君顯妣河南縣太君張氏極為分明而郭氏金詩乃以東巖隴城為一人且謂元格字德明直標其東巖詩曰元格詩若干首訛也乾隆己酉夏武林王君敞以金詩原鈔板屬方綱覆校因為改正之

南冠錄引先祖銅山府君正隆二年贈出身訖正大之末吾家食先朝祿七十餘年矣

二年辛亥

二歲

三年壬子

三歲

四年癸丑

四歲 南冠錄引予自四歲讀書

五年甲寅

五歲 濟南方綱行記云子兒時從先隴城府君官掖縣嘗過濟南方綱按先生乙未歲濟南雜詩云四十二年彈指過則其隨隴城君至濟南在四五歲時也

六年乙卯

六歲

承安元年丙辰

七歲 能詩有神童之目 墓銘云太原王湯臣稱為神童

二年丁巳

八歲 南冠錄引云八歲學作詩

三年戊午

九歲

四年己未

十歲

五年庚申

十一歲 從父官於冀州學士路宣叔賞其俊爽教之為文

泰和元年辛酉

十二歲

二年壬戌

十三歲 是年趙秉文遷翰林修撰 十月十日翰林修撰王庭筠卒年五十二先生於癸丑歲為作墓碑

三年癸亥

十四歲 中州集郝先生天挺小傳云好問十四歲先人令陵川時從先生學舉業先生工於詩時命好問屬和先生所為郝先生墓銘云泰和初先人調官中都某甫成童習舉業先人思所以引而致之者謀諸親舊間皆曰獲

澤風土完厚人質直而尚義為子求師莫此州為宜於是
先人乃就陵川令之選時鄉先生郝君方教授縣庠某從
之學先生教之曰學者貴其有受學之器器者何慈與孝
也又曰今人學詞賦以速售為功六經百氏分裂補綴外
或篇題句讀之不知幸而得之且不免為庸人況一敗塗
地者乎先人既罷官某留事先生又二年然後歸

四年甲子

十五歲 通真子墓碣先君子令陵川予始成童 續夷

堅志先人宰陵川泰和甲子元夕縣學燒燈有以杏棗棠
折枝為翦綵花者鑿罷家僮乞之供於縣署佛屋中四月
上七夜先夫人焚誦次乃見杏棠皆作花真廣相間先人
會賓示之以為文字之祥為賦瑞花詩子年始十五矣

五年乙丑

十六歲 中州集小傳兄敏之諱好古年二十就科舉時
先東巖君已捐館太夫人年在喜懼望其立門戶甚切云
云据此先生父東巖君歿當在乙丑年 是年赴試并州
道逢捕雁者云今日獲一雁殺之矣其脫網者悲鳴不能
去竟自投於地而死予因買得之葬之汾水之上桑石為
識號曰雁邱併作雁邱詞 凌延堪案此事
見遺山樂府

六年丙寅

十七歲

七年丁卯

十八歲 天慶觀記云子嬰年先大父挈之四方十八乃
一歸始聞鄉里談天慶異事每歲二月望有鶴降此殿多

至十數從是予兩見之特亂後鶴乃不至耳 南冠錄引

十八歲先府君教之民政

八年戊辰章宗崩衛王永濟立

十九歲 學於郝天挺六年而業成

衛紹王大安元年己巳

二十歲 兩山行記云先東巖君生平愛鳳山 鳳皇山在雁門然

竟不一到故詩有鳳皇聞說似天壇北去南來馬上看想

得松聲滿巖谷秋風無際海波寒之句予二十許時自燕

都試乃與客登南樓亾友蘇莘老閻德潤張九成王仲容

輩說山中道人所居有松風軒層簷高棟半出空際長松

滿澗谷如雲幢烟蓋植立闌楯之下山空夜寂石上聞墜

露聲使人耿耿不寐 一統志繫舟山在太原府城東北

九十里禹治水繫舟此山故名有石如環軸曰繫舟嵬元

好問父德明讀書其下趙秉文改曰讀書山好問詩從此

晉陽方志上繫舟山是讀書山

是年十月趙秉文出為寧邊州刺史

送秦中諸人引云子年二十許時侍先人官畧陽以秋試

留長安

二年庚午

二十一歲 先生父隴城君卒於官先生扶護歸里

趙秉文改平定州刺史

三年辛未

二十二歲

是年九月翰林學士承旨党懷英卒年七十八

崇慶元年壬申

二十三歲

是年麻徵君九疇卒年五十

至寧元年癸酉八月胡沙虎弑衛紹王立昇王珣九月以後為宣宗貞祐元年

二十四歲

是年趙秉文轉翰林直學士

二年甲戌五月徙都汴秋七月蒙古復圍燕

二十五歲 曲阜紀行詩云誰言甲戌亂煨燼入炎燎

梁園春五首注車駕還汴京後作 荅聰上人書云僕自

貞祐甲戌南渡江時犬馬之齒二十有五遂登楊趙之門所與交如辛敬之雷希顏王仲澤李欽叔麻知幾諸人其

材量文雅皆天下之選

是年三月兄敏之歿于北兵屠城之禍年二十九

十七史蒙求序始子年二十餘住太原學舍交城吳君庭秀洎其弟庭俊與子結夏課於由義西齋嘗以所撰蒙求

見示後三十七年過鎮陽因得而序之

三年乙亥五月中都留守左丞相完顏承暉自殺蒙古遂入燕焚宮室火月餘不滅

二十六歲

南冠錄引因循二三年中原受兵避寇陽曲秀容之間歲無寧居

四年丙子

二十七歲 先生自秀容避亂河南客居崧山夏五月

將南渡河道出虞坂作虞坂行 孫伯英墓銘云貞祐丙子予自太原南渡因得過伯英家登壽樂堂飲酒賦詩故物譜貞祐丙子兵後予將奉先夫人南渡河雜書及先人手寫春秋三史莊子文選之等尚千餘冊并畫百軸載二鹿車自隨是歲寓居三鄉其十月北兵破潼關避於女几之三潭

趙秉文除侍講學士

興定元年丁丑

二十八歲 在三鄉作論詩絕句 錦機引興定丁丑間居汜南始集前人議論爲一編以便觀覽蓋就李嗣榮衛昌叔家所有書而錄之故未備也因以錦機名之十一月日河東元某自題

二年戊寅

二十九歲

三年己卯金築汴京裏城

三十歲

四年庚辰

三十一歲 六月與趙郡李獻能太原王渥同遊玉華谷憩少姨廟先生周行廊廡得古仙人詞於壁間其首章直屋漏雨爲所漫剝殆不可辨乃燈木石而上拂拭汎滌迫視者久之始可完讀 西園詩注興定庚辰八月中作太原貢士南京狀元樓宴集題名引云今年豫秋賦者百人

五年辛巳

三十二歲 登進士第不就選 堯山堂外紀興定初裕之始以詩文見閑閑公公爲延譽諸公間又五年乃得以科第出公之門

元光元年壬午

三十三歲

二年癸未十二月宣宗崩子守緒立

三十四歲 過鄆城見麻徵君知幾 校笠澤叢書後記

云子家舊有二本一本是唐人竹紙番複寫元光間應詞科時買於相國寺販肆中宋人曾校定塗抹稠疊殆不可讀

哀宗正大元年甲申

三十五歲 堯山堂外紀裕之出閑閑公之門笏有不平

者謂公與楊禮部之美雷御史希顏李內翰欽叔爲元氏

黨人正大甲申諸公貢裕之詞科公爲監試官以例不赴

院宿一日坐禮曹欽叔從外至誦裕之秦王破竇建德降

王世充露布是年應詞科程文秦王捨竇建德王世充露布今載集中餘二篇光武中興頌大司農箴

其文已公集所不載公頗爲聳動顧座客陳司諫正叔曰人言我黨

元子誠黨之邪 劉祁歸潛志云正大初先子令葉又云

正大初先子入翰林又云正大初趙閑閑長翰苑同陳正

叔潘仲明雷希顏元裕之諸人作詩會

趙秉文改翰林學士修國史

二年乙酉

三十六歲 吏部掾屬題名記末云正大二年五月日儒

林郎權國史院編修官元某記警巡院廨署記末亦同

六月十一日雨詩一旱近兩月河洛東運淮 木庵詩集
序乙酉冬十月將歸太原侍者出木庵集求予爲序 太
原昭禪師語錄引云正大初子在史館

三年丙戌

三十七歲 夏四月過汜南爲鄆城張良佐作古鏡銘
除夜詩三十七年今日過

四年丁亥

三十八歲 長慶泉新廟記云正大丁亥予承乏是邑

謂內

鄉夏五月赤旱近百日 與張仲經同賦觀浙江漲詩云
一旱千里赤一雨垣屋敗浙故以江名暴與衆壑會 九
日讀書山詩云我在正大初作吏浙江邊山城官事少日
放浙江船

五年戊子

三十九歲 正月晦日內鄉西城遊眺詩 紀夢詩注七

月二十四日內鄉往盧氏宿走馬平夜夢拜天帝像遂觀
法駕導引畫幄取前負弩三人中有金書小字題裕之者
夢中不自知其爲子也 行齋賦序戊子冬十月長壽新
居成仲經張君從予卜鄰取君子素位 行之義名曰行
齋而乞文於予 張仲經詩集序予官西南張仲經偕杜
仲梁麻信之高信卿康仲寧挈家就予內鄉時劉內翰光
輔方解鄧州倅曰得相從文字間是年出居縣西南白鹿
原名所居爲行齋齋南菊水湍流綠莎盈尺臘月紅梅盛
開諸公藉草而坐嘯詠彌日 方綱嘗得先生手書涌金
亭詩石刻後題云己酉清明日崧陽王贊立石按涌金亭

示同遊諸君子七言古詩卽在正大戊子冬罷內鄉時也
其云己酉者後來所補刻耳 新齋賦序予旣罷內鄉出
居縣東南白鹿原結茅菊水之上聚書而讀之其久也優
柔馱飫若有所得以爲平生未嘗學學於是乎始乃名所
居爲新齋 方綱按白鹿原同見本集而一稱
縣西南一稱縣東南當有一誤
是年八月七日翰林學士楊雲翼卒年五十九先生作神
道碑銘云公文章與閑閑公齊名世號楊趙

六年己丑 蒙古太宗
之元年

四十歲 鎮平縣齋感懷云四十頭顱半白生 阿干始
生詩云四十舉兒子

方綱按先生先官於內鄉後乃官鎮平官南陽以本集考
之甚明而郝經爲先生墓銘序云初筮仕除鎮平令再轉
內鄉遂丁艱終喪正大中辟鄧州南陽令轉內鄉令蓋攷
之未詳也金史文藝傳敘內鄉令在正大之前亦誤近日
長洲顧嗣立元百家詩小傳又敘內鄉於南陽之後亦沿
郝氏銘序之訛耳顧氏小傳又沿郝銘之訛作興定三年
進士皆宜改正

七年庚寅

四十一歲

八年辛卯

四十二歲 時爲南陽令 宛邱歎注云辛卯七月農司
檄子按秦陽陂田 中州集小傳辛卯秋季長源過子襄
城杯酒間誦關中往來詩
是年十一月劉祁至汴京

天興元年壬辰

正大九年正月改元開興四月又改元天興

正月蒙古遣其將速

不臺圍金汴京金遣曹王為質四月蒙古退軍河洛十二月

汴京糧盡援絕哀宗出奔河北速不臺復圍汴

四十三歲 墓銘云天興初入翰林知制誥本傳云天

興初擢尚書省掾頃之除左司都事轉行尚書省左司員

外郎方綱按此蓋舉一二年間之除授統言之

集中詩云壬辰困重圍本傳云今所傳者有壬辰雜編若

干卷 十二月車駕東狩後即事詩 堯山堂外紀壬辰

北渡順天毛正卿楊德秀祈仙山寺中蘇晉降筆寫詩數

十首一詩有百偽無一真中有羲黃醇之句餘詩除酒裏

神仙我五言外多不成語二人初不知晉為何代人詩為

何人作以語元遺山遺山曰余三十六七時有詩曰西郊

一畝宅閉門秋草深牀頭有新釀意愜成孤斟舉杯謝明

月蓬華冑相臨願將萬古色照我萬古心又去古日已遠

百偽無一真獨餘酒鄉地中有羲黃醇聖教難為功乃見

酒力神誰能釀滄海盡醉區中民今晉所批乃有此十字

晉豈余前身邪將近時鬼物之不昧者記余詩託名於晉

以自神也晉既以余詩為渠所作余亦就酒裏神仙我五

言取償於晉因作樂府曰繡佛長齋枉伴蒲團過酒壚橫

卧一蹴虛空破笑張顛自謂無人和還知麼醉鄉天大小

箇神仙我 南冠錄引京城之圍子為東曹都事知舟師

將有東狩之役言於諸相請小字書國史一本隨車駕所

在以一馬負之時相雖以為然而不及行 范陽張公先

德碑予在大梁承乏左曹都司壬辰之圍外援阻絕危急

存亾朝不及夕或有言宿州節度宗室眾僧奴之幕客張子良由間道齎奏牘至者即日召對書詔誥命凡繫之左曹者予得與聞之

是年五月十二日密國公壽薨年六十一曹五月十二日

翰林學士趙秉文卒年七十四歸潛志云卒于夏四月年七十三疑有誤趙

閑閑贊引云壬辰冬某以東曹掾知雜權都司取行止卷

觀之見公獨銜及楊雷猥相薦引者十七章是年權陝

府行省左右司郎中河中李獻能欽叔以陝亂見殺年四

十一中州集小傳在京師時希顏仲澤欽叔京父相得甚

權希長子六歲澤長四歲欽與京少子二歲希歿於正大

辛卯之八月年四十八澤歿於明年之七月年四十七欽

歿於其年十一月年四十一京歿於又明年之三月年四

十二蓋不二三年而五人者惟不肖在爾雷淵字希顏渾源人翰林修撰

王渥字仲澤太原人權右司郎中冀禹錫字京父龍山人左右司都事

傷寒會要序壬辰之兵鎮人李杲明之與予同出汴梁於

聊城於東平與之游者六年方綱按此亦統指以下數年而言其實於癸巳出汴也

壽陽縣學牌陰記壬辰之冬薄遊燕趙齊魯間迹益窮文

益奇名益大振每一篇出京師為之紙貴故所至以異人

目之

二年癸巳正月丙午朔哀宗濟河戊辰是二十三日汴京西面元

帥崔立作亂殺參知政事完顏奴申樞密副使完顏斜捻阿

不立衛王子從恪為梁王監國以城降蒙古

四十四歲通鑑初汴人以金主親出師日聽捷報及聞

軍敗始大懼時速不臺攻城日急內外不通及金主遣使

至汴奉迎兩宮人情益不安西面元帥崔立性淫狡因民
洶洶潛謀作亂左司都事元好問謂斜揔阿不曰自車駕
出京今二十日許又遣使迎兩宮民間皆謂國家欲棄京
城相公何以處之斜揔阿不曰吾二人惟有一死爾好問
曰死不難誠能安社稷救生靈死可也如其不然徒欲以
一身飽五十紅納軍亦謂之死耶斜揔阿不不荅時兩宮
已出至陳留見城外二三處火起疑有兵復馳還汴京明
日崔立拔劍指完顏奴申及斜揔阿不曰京城危困已極
二公坐視何也二相曰有事當好議之何遽如是立麾其
黨先殺斜揔阿不次殺奴申及左司郎中納合德輝等十
餘人卽諭百姓曰吾爲二相閉門無謀今殺之爲汝一城
生靈請命衆皆稱快立遂勒兵入宮集百官議所立立曰

衛紹王太子從恪其妹公主在北兵中可立之乃遣其黨
韓鐸以太后命往召命爲梁王監國百官拜舞立自爲太
師都元帥尙書令鄭王弟倚爲平章政事侃爲殿前都點
檢其黨皆拜官元好問亦爲左右司員外郎遂送款詣速
不臺軍速不臺至青城立服御衣儀衛往見之速不臺喜
飲之酒立以父事之還城悉燒樓櫓以荆王府爲私第取
內府珍玩充實之 金史王若虛傳崔立變羣小附和請
爲立建功德碑翟奕以尙書省命召若虛爲文時奕輩恃
勢作威人或少忤則讒構立見屠滅若虛自分必死私謂
左右司元好問曰今召我作碑不從則死作之則名節掃
地矣不若死之爲愈雖然我姑以理論之乃謂奕輩曰丞
相功德碑當指何事爲言奕輩怒曰丞相以京城降活生

靈百萬非功德乎曰學士代王言功德碑謂之代王言可乎且丞相既以城降則朝官皆出其門自古豈有門下人爲主帥誦功德而可信乎後世哉奕輩不能奪乃召太學生劉祁麻革輩赴省好問張信之喻以立碑事曰衆議屬二君且已白鄭王矣二君其無讓祁等固辭而別數日促迫不已祁卽爲草定以付好問好問意未愜乃自爲之旣成以示若虛乃共刪定數字然止直敘其事而已後兵入城不果立也

郭元釭金詩紀事遺山秋夜詩九死餘生氣息存蕭條門巷似荒邨春雷漫說驚坯尸皎日何曾入覆盆濟水有情添別淚吳雲無夢寄歸魂百年世事兼身事尊酒何人與細論此詩爲汴京之難言之也据金史文藝傳則當時碑

文皆以爲裕之所作其不免於物議可知詩中悲銜坯尸冤抱覆盆所以歎息於告語之無人也然意含蓄未露其痛切言之者則見於集中外家別業上梁文及元郝經伯常辨磨甘露碑詩外家別業上梁文云遺山道人蟬蠹書癡雞蟲祿薄猥以勃率槃跚之迹仕於危急存亡之秋左曹之斗食未遷東道之戈船已御久矣公私之俱罄困於春夏之長圍窮甚析骸死惟束手人望荆兄之通好義均紀季之附庸出涕而女於吳莫追於旣往下車而封之杞有覲於方來謀則僉同義當孰抗爰自上書宰相所謂試微軀於萬仞不測之淵至於喋血京師亦常保百族於羣盜垂涎之口皇天后土實聞存趙之謀枯木死灰無復哭秦之淚初一軍搆亂羣小歸功劫太學之名流文鄭人之

逆節命由威制佞豈願為就磨甘露御書之碑細刻錦溪

書叟之筆蜀家降款具存李昊之世修趙王禪文何豫陸

機之手迹文選謝平原內史表伊誰受賞於我嫁名悼同聲同氣之

間有無罪無辜之謗耿孤懷之自信聽眾口之合攻果吮

癰舐痔之自甘雖竄海投山其何恨惟彼證龜而作鼈始

於養虺以成蛇追韓之騎甫還射羿之弓隨殼子北渡之初獻書中

令君請以一寺觀所費養天下名士造謗二三黷齷林亦書中枚舉之類也以流言之自止知

神理之可憑復齒平民僅延殘喘澤畔而湘纍已老樓中

而楚望奚窮云云案文中云左曹之斗食未遷時裕之尙

官左司都事其後梁王監國始遷左右司員外郎也東道

之戈船已御時天興元年春元兵已駐鄭州海灘寺進攻

汴京也方綱按此是前一年事圍城數月外援莫至奴申乞和訛可

出質方綱按此在前一年二月中事請罷攻而不得議親捍而大奔車駕

蒙塵輿情無主眾欲推立荆王守純以城降元如春秋紀

季入齊之義所謂人望荆兄之通好義均紀季之附庸也

其時裕之實請於奴申與阿不欲立監國以全兩宮與皇

族翼日而乃有崔立之變二相被殺故有上書宰相喋血

京師存趙有謀哭秦無淚之歎也至云劫太學之名流文

鄭人之逆節似乎當時碑文仍出劉京叔手苟如史所云

好問意未愜乃自為之則安得復云蜀家降表具存李昊

之世修趙王禪文何豫陸機之手迹邪慨受賞者有人悲

嫁名為無罪乍返追韓之騎已關射羿之弓其言隱痛必

有所指注中所云造謗二三者俟更攷之又按注中所云

中令君蓋耶律楚材也楚材為右丞文獻公履之第三子

仕元爲天興二年於元爲太宗之五年時汴京變後南中士大夫歸河朔者所在有之故裕之寓書楚材請以一寺觀費養天下名士也

書首云四月二十有二日門下士太原元某謹齋沐獻書相公閣下書

中所枚舉者自耆舊如馮內翰叔獻梁都運斗南高戶部唐卿王延州從之四人外時輩爲平陽王狀元綱東明王狀元鶚濱人王賁臨淄人李浩秦人張徽楊煥然李庭訓河中李獻卿武安樂夔固安李天翼沛縣劉汝翼齊人謝良弼鄭人呂大鵬山西魏璠澤人李恆簡李禹翼燕人張聖俞太原張緯李謙冀致君張耀卿高鳴孟津李蔚真定李治相人胡德珪易州敬鉉雲中李微中山楊果東平李彥西華徐世隆濟陽張輔之燕人曹居一王鑄渾源劉祁及其弟郁李仝平定賈廷揚楊恕濟南杜仁傑洛水張仲

經虞鄉麻革東明商挺漁陽趙著平陽趙維道汝南楊鴻河中張肅河朔勾龍瀛東勝程思溫及其從弟思忠共四十九人內劉麻二人之名皆在焉然則所云造謗二三得毋卽指之邪但裕之與信之素厚內鄉隱居河汾投老始終未嘗有間京叔父子兄弟其始亦極爲裕之所推許卽晚歲輯中州集時論次雲卿蓬門先生集中詩尙云二子祁郁俱有名於時未聞有所譏貶如文中養虺成蛇設弓射羿何甚也然猶稱之曰名流不斥其人也諉之曰劫明其非得已也復爲之解曰命由威制則又似乎京叔之撰文翟奕張信之輩實使裕之促之者更爲之解曰佞豈願爲又似乎京叔屬草之後裕之亦嘗畧爲刪改者後乃盡舉其過歸之一人是以悼同聲同氣之間有無罪無辜之

謗也又郝經陵川集辨磨甘露碑云國賊反城自爲功萬
段不足仍推崇勒文誦德召學士溥南先生付一死林希
更不顧名節兄爲起草弟親刻省前便磨甘露碑書丹卽
用宰相血百年涵養一塗地父老來看閩流涕數罇黃封
幾斛米賣卻家聲都不計盜據中國責金源吠堯極口無
醜顏作詩爲告曹聽翁且莫獨罪元遺山按遺山集內翰
王公墓表云天興初冬十二月車駕東狩明年春正月京
城西面元帥崔立劫殺宰相送款行營羣小獻諂請爲立
建功德碑以都堂命召公爲文喋血之際翟奕輩恃勢作
威頤指如意人或稍忤則橫遭讒搆立見屠滅公自分必
死私謂好問言今召我作碑不從則死作之則名節埽地
貽笑將來不若死之爲愈也雖然我姑以理論之乃謂奕

輩言丞相功德碑當指何事爲言奕輩怒曰丞相以京城
降城中入百萬皆有生路非功德乎公又言學士代王言
功德碑謂之代王言可乎且丞相旣以城降則朝官皆出
丞相之門自古豈有門下人爲主帥誦功德而爲後人所
信者問荅之次辭情閒暇奕輩不能奪意脅太學生託以
京城父老意而爲之則碑文之出於劉京叔手可知伯常
詩中勒文誦德召學士溥南先生付一死謂王從之能顧
名節也林希更不顧名節兄爲起草弟親刻豈於時京叔
撰文其弟文季亦在圍城中便爲之上石耶書丹卽用宰
相血傷奴申阿不之見殺也父老來看閩流涕明非京城
父老意也數罇黃封幾斛米卽遺山上梁文所云受賞也
賣卻家聲都不計當以二劉之高祖南山翁攜從曾祖西

巖老人汲父御史從益於金源氏百年以來世為高門今乃以此墮其家聲為可惜也但林希二字殊不可解或以麻字之減文為林信之自號貽溪復以貽溪之反語為希邪信之為秉彝之孫亦有家聲俱與詩所云兄弟者不合或即為信之語以起草讓京叔而以刻石自任耶方綱按此指麻貽溪非是宋徐自明宰輔編年錄紹聖四年閏二月林希同知樞密院事林希字子中福州人先是元祐中除希中書舍人為孫升劉摯諸御史所論出知蘇州至是章惇入相思甘心於元祐故臣命詞掖當求以為元祐敵者乃進希寶文閣直學士自毫社易知成都希既過闕惇首卜其所向果怨元祐者即白留希為中書舍人遂兼侍讀希命詞宣力為多希又修神宗國史時方推明紹述盡黜元祐諸臣自呂大防劉摯蘇軾蘇轍等書命皆希為之惇仍許以為同執政一日希草制罷擲筆於地曰壞了名節矣遷吏部尚書翰林學士拜同知樞密院事据此似是借宋事為影喻蓋林希有壞了名節一語故借用其事也末云作詩為告曹聽翁且莫獨罪元遺山則所以為裕之訟冤者雖切然亦未嘗謂不與

其事者蓋裕之之自尚書省掾左右司員外郎實為崔立所署其受謗亦未為無因也

方綱按集中壬辰十二月車駕東狩後即事詩已云戴盆鬱鬱夢瞻天又云慘澹龍蛇日鬪爭干戈真欲盡生靈又云精衛有冤填瀚海包胥無淚哭秦庭是皆關心國是之言豈即豫知次年正月事邪則先生之志不在區區為一已出處申辨可知已又按薛應旂續通鑑載此事於金史王若虛傳穆案於當作取然以其事核之互有不合如傳云後兵入城碑不果立哀宗本紀二年正月戊辰安平都尉京城西面元帥崔立舉兵為亂癸酉大元將碎不斛進兵汴京戊辰是正月二十三日癸酉是二十八日中間止有四日耳而云碑不果立又云促迫數日則郝詩何以有起草親

刻父老來看之語乎而所謂極口吠堯則亦與若虛傳所云止直敘其事者不符矣且先生四月二十九日出京則在城中遇崔立之亂凡三閱月而云斗食未遷則其署官先生固若不豫也者且若虛傳中始而敘若虛私謂左右司員外郎元某則似已在署官員外之後矣及至若虛辭後乃召太學生至省而元某喻以立碑事則仍在尙書省又似在未署官之前前後情事亦不相合況本傳旣表若虛之辭大金國志亦謂若虛外爲遜辭實欲以死守之時議稱焉而此傳又謂好問自爲碑師成以示若虛乃其刪定數字言其刪定則若虛亦在其中而何以謂時議稱之哉然則此事史所載已參錯難曉而郝詩云且莫獨罪尙是渾淪之詞耳

癸巳年郝伯常年十一歲

明儲太僕靜夫嶮題重刻集後云或者謂金之亾崔立之變死生辭受之際遺山處之有不能道人之議者噫是未攷也觀其對捏申之語誌聶女之墓隱忍激烈意蓋有待而爲也方綱按遺山集聶孝女墓銘云五臺聶天驥元吉爲尙書左右司員外郎壬辰之冬車駕東狩元吉留汴梁明年正月二十有三日崔立舉兵反殺二相省中元吉被兵創甚女日夜悲泣謁醫者療之百方至刲股雜他肉以進而元吉卒不可救女葬其父之明日乃絕脰而死女字舜英年二十二嘗嫁爲進士張伯豪妻伯豪死歸父母家嗚呼壬辰之亂極矣中國之大百年之久其亾也死而可書者權參知政事翰林學士承旨子政右丞大用御史大夫仲寧戶部尙書仲平大理德輝點檢阿撒郎中道遠省

講議仁卿奉御忭哥宰相子伯祥宿直將軍長樂妻明秀
參知政事伯陽之夫人與孝女十數人而已且有婦人焉
孝女合葬張氏墓銘有銘以表之并志子媿之句先生之
闡揚孝烈可謂至矣金史哀宗紀是日死難者右副點檢
溫敦阿里左右司員外郎聶天驥御史大夫裴蒲阿虎帶
諫議大夫左右司郎中烏古孫奴申左副點檢完顏阿散
奉御忭哥講議蒲察琦而先生所記死事諸人雖以壬辰
渾舉之而其發潛表忠之意固有可與史相證者且左右
司員外者卽史所稱崔立署好問之官而聶天驥實以是
官死若先生稍有依違於中寧不避言此官而直書特書
則先生之心足以對人可知矣又南冠錄引云崔立之變
歷朝實錄皆滿城帥所取百年以來明君賢相可傳後世

之事甚多不三二十年則世人不復知之矣此其雜見於
先生集中者痛切言之不啻再四借使史所書署官之言
果有其事亦必崔黨畏先生名重署之官以自爲地與先
生固無豫而況史所載多參錯致疑哉此予所以反覆致
辨於癸巳春署官一節之未足深論也

方綱又按崔立碑事始末具詳於劉祁歸潛志第十二卷
今全錄於此錄崔立碑事崔立旣變以南京降自負其有
救一城生靈功謂左司員外郎元裕之曰汝等何時立一
石書吾狀耶時立國柄入手生殺在一言省庭日流血上
下震悚諸在位者畏之於是乎有立碑頌功德議數日忽
一省卒詣子家齋尙書禮房小帖子云首領官召赴禮房
余初愕然自以布衣不豫事不知何謂卽往至省門外遇

道山先生金譜 翁輯 三
麻信之余因語之信之曰昨日見左司郎中張信之言鄭
王碑事欲屬我輩作豈其然耶卽同入省禮房省掾曹益
甫引見首領官張信之元裕之二人曰今鄭王以一身救
百萬生靈其功德誠可嘉今在京官吏父老欲爲立碑紀
其事衆議屬之二君且已白鄭王矣二君其無讓余卽辭
曰祁輩布衣無職此非所當爲況有翰林諸公如王丈從
之及裕之輩在祁等不敢裕之曰此事出於衆心且吾曹
生自王得之爲之何辭君等無讓余卽曰吾當見王丈論
之裕之曰王論亦如此矣予卽趨出至學士院見王丈時
修撰張子忠應奉張元美亦在焉余因語其事且曰此實
諸公職某等何與焉王曰此事議久矣蓋以院中人爲之
若尙書檄學士院作非出於在京官吏父老心若自布衣

中爲之乃衆欲也且子未仕在布衣今士民屬子子爲之
亦不傷於義也予於是陰悟諸公自以仕金顯達欲避其
名以嫁諸布衣又念平生爲文今而遇此患難以是知揚
子雲劇秦美新其亦出於不得已耶因遜讓而別連延數
日又被督促知不能辭卽略爲草定付裕之一二日後一
省卒來召云諸宰執召君子不得已赴省途中遇元裕之
騎馬索子因劫以行且拉麻信之俱往初不言碑事止云
省中召王學士諸公會飲子亦陰揣其然旣入卽引詣左
參政幕中見參政劉公謙甫舉杯屬吾二人曰大王碑事
衆議煩公等公等成之甚善余與信之俱遜讓曰不敢已
而謙甫出見王丈在焉相與酬酢酒數行日將入矣余二
人告歸裕之曰省門已鎖今夕卽當留宿省中余輩無如

之何已而燭至飲余裕之倡曰鄭王碑文今夕可舉手也
余曰有諸公在諸公爲之王丈謂余曰此事鄭王已知衆
人請太學中名士作子如堅拒使王知書生輩不冝作是
不許其以城降也則銜之刻骨縉紳俱受禍矣是子以一
人累衆也且子有老祖母老母在堂今一觸其鋒禍及親
族何以爲智子熟思之余惟以非職辭久之且曰余旣爲
草定不當諸公意請改命他人諸公不許促迫甚余知其
事無可奈何則曰余素不知館閣體今夕諸公共議之如
諸公避其名但書某名在諸公後於是裕之引紙落筆草
其事王丈又曰此文姑使裕之作以爲君作又何妨且君
集中不載亦可也余曰裕之作政宜某復何言碑文旣成
以示王丈及余信之欲相商評王丈爲定數字其銘詞則

王丈裕之信之及存余舊數言其碑序全裕之筆也然其
文止實敘事亦無褒稱立言時夜幾四鼓裕之趣曹益甫
書之裕之卽於燭前焚其稿遲明余輩趨出後數日立坐
朝堂諸宰執首領官共獻其文以爲壽遂召余信之等俱
詣立第受官余輩深懼見立俄而諸首領官齎告身三通
以出付余輩曰特賜進士出身因爲余輩賀後聞求巨石
不得省門左舊有宋徽宗時甘露碑有司取而磨之工書
人張君庸者求書刻方畢北兵入城縱剽余輩狼狽而出
不知其竟能立否也嗟乎諸公本畏立禍不敢不成其言
已而又欲避其名以賣布衣之士余輩不幸有虛名一旦
爲人之所劫欲以死拒之則發諸公嫁名之機諸公必怒
怒而達崔立禍不可測則吾二親何以自存吾之死所謂

自經於溝瀆而莫之知且輕殺吾身以憂吾親爲大不孝矣況身未祿仕權義之輕重親莫重焉故余姑隱忍保身爲二親計且其文皆眾筆非余全文彼欲嫁名於余余安得而辭也今天下士議往往知裕之所爲且有曹通甫詩楊叔能詞在亦不待余辨也因書其首尾之詳以誌年少之過空山靜思可以一笑右神川遜士劉祁所作歸潛志述崔立碑事如此其言曹通甫詩楊叔能詞今皆不見於世困學齋雜錄曹居一字通甫一字聽翁又號南湖散人太原人金末進士仕元爲行臺員外郎遺山集中有送曹吉甫兼及通甫詩而此碑當日爲劉祁作則無疑矣其曰今天下士議往往知裕之所爲者則卽遺山上梁文所云於我嫁名者也其曰止實敘事無褒稱立之言者則後來據以入史卽今金史王若虛傳所本也撰金史者於若虛一傳前

半則依好問之文後半則依劉祁之文是以參錯致疑也其曰銘詞則王丈裕之信之及存余舊數言其碑序全裕之筆是固以淳南與遺山同入事中矣而今史家於王則稱之於元則有微詞何哉且遺山上梁文一則曰同聲同氣之間有無罪無辜之謗再則曰造謗二三亦書中枚舉之類是其詞微而隱未嘗明指劉祁也而祁歸潛志則若惟恐世之不知此事中有遺山者以是二者較之孰爲嫁名後世學人必有公論矣況郝經詩兄弟之言已自曉然林希之稱或爲廋語而其言極口吹堯則必郝目見此文安得謂之止實敘事而已郝之詩憤此碑也非止辨此碑也如是而其出遺山與否固不待更攷矣然歸潛志旣曰連延數日又被督促又曰後數日召余輩受賞是自崔立

道山先生全詩 翁車 三
之變至磨碑刻詞必非戊辰至癸酉所能辦也又據史崔
立之變在兩宮歸之明日而歸潛志敘在後二日是皆紀
載之互有參錯者而歸潛志謂一時人望皆以次遷擢臺
閣中除拜無虛日又可見所謂署官者之本屬虛妄不足
道矣今歸潛志行世止八卷是以前輩皆未見此事源委
故備著而論之

集中詩云明年出青城 四月二十九日出京詩云興
誰識天公意留著青城閣古今自注國初取宋於青城受
降 五月三日北渡詩 南冠行癸巳秋作 又李仲華
湍流高樹圖詩自注癸巳正月之變逆黨中有欲謀害已
者賴仲華力爲營護得釋

甲州集引歲壬辰予掾東曹馮內翰子駿延登劉鄧州光

甫祖謙約予爲此集時京師方受圍危急存亡之際不暇
及也明年留帶聊城杜門深居頗以翰墨爲事馮劉之言
日往來於心乃記憶前輩及交游諸人之詩錄爲一編目
曰中州集嗣有所得當以甲乙丙丁次第之十月二十有
二日

三年甲午正月戊寅哀宗傳位於東面元帥承麟哀宗自經
於幽蘭軒承麟爲亂兵所殺金亡

蒙古太宗之六年即
宋理宗端平元年

四十五歲

李俊民鶴鳴老人集金蔡州破於甲午年正月十日己酉
清真觀記歲甲午予自大梁羈管聊城冷德明之法兄
弟房志起自覃懷來介於幕府諸君請予爲記六月十六
日前進士河東元某記 紀子正杏園宴集 密公寶章

小集詩注甲午三月為輔之書於聊城至覺寺之寓居
 校笠澤叢書後記末云甲午四月二十有一日書於聊城
 寓居之西牕 甲午除夜詩云甲午兩周今日盡只將衰
 淚灑吳天蓋自金太祖收國元年乙未至是正一百二十
 年也 南冠錄引甲午羈管聊城益之兄邈在襄漢姪搏
 俘繫之平陽存亡未可知伯男子叔儀姪孫伯安皆尚幼
 未可告語予年已四十有五益之兄嘗命予修千秋錄略
 具次第乃手寫以備遺忘以先世雜事附焉以行年雜事
 附焉以先朝雜事附焉合而一之名曰南冠錄叔儀伯安
 而下乃至傳數十世當家置一通

蒙古太宗七年乙未

四十六歲 正月九日立春詩 是年六月渾源劉祁撰

歸潛志

祁於甲午歲還鄉時年三十二

先生濟南行記予兒時從先隴

城君官掖縣嘗過濟南然但能憶其大城府而已長大來
 聞人談此州風物之美遊觀之富每以不得一遊為恨歲
 乙未秋七月予來河朔者三年矣始以故人李君輔之故
 得一至焉因次第二十日間所遊歷初至齊河約杜仲梁
 俱東並道諸山南與太山接至濟南置酒歷下亭故基亭
 下大明湖與濟水合華峯東有卧牛山正東百五十里鄒
 平之南有長白山范文正公學舍在焉東十里有南北兩
 妙山兩山之間有閔子騫墓西有函山太山北麓也瀑流
 泉在城西南 字又作 趵突 靈泉庵道士留予再宿此遊至瀑流
 者六七宿靈泉庵者三汎大明湖者再遂東入水柵水名
 繡江發源長白山下周圍三四十里留五日而還道出王

舍人莊道旁一石刻云隋開皇丙午十二月鈇珍墓誌道
南有仁宗時侍從龍圖張侍郎揆讀書堂讀書堂三字東
坡所書并范純粹詩石刻至濟南又留二日汎大明湖待
杜子不至明日行齊河道中小雨後太山峯嶺歷歷可數
前後得詩凡十五首 八月十七日莘縣夢中詩
八年丙申

四十七歲

夏六月馮內翰文以某在冠氏枉駕見過

冠氏

在河北路大名府

東遊略記丙申三月二十一日冠氏趙侯將

會行臺公於泰安侯以予宿尚遊觀拉之偕行凡三十日
往復千里而在鞍馬者八日故所歷不能從容因略記之
郭巨廟在長清西南四十里所路傍小山之上齊武平中
齊州胡僕射所造石室在焉所刻人物舟車馬象三壁皆

滿衣冠之制絕與今世不同有如沈存中所記幞頭但不
履腳耳西壁外胡僕射刻頌規制如磨崖狀字作隸書文
齊梁體後題云居士慧朗侍從至朗能草隸書世謂朗公
書者是也予意此頌必朗公所書故題字云然又有開元
二十五年題字并長清尉李皋祭文隔馬祠在長清馬山
之南有大觀三年東平陳彥元廟記靈巖寺後方山下有
絕景亭有党承旨世傑寺記寺壁石刻甚多有張揆叔文
蘇轍子由吳拭顧道詩餘人不能悉記遂登天門岳頂太
史公謂太山雞一鳴日出三丈而予登日觀平明見日出
疑是太史公夸詞問之州人云嘗有抱雞宿山上者雞鳴
而日始出蓋岱宗高出天半昏曉與平地異故山上平明
而四十里之下纔昧爽聞耳未大中祥符元年十二月二

十七日封太山碑刻皆王欽若陳堯叟錢惟演楊億撰述然字畫多剝落不能完讀矣太山上書院元是周朴所居宋太山孫先生明復居之州學有魯兩先生祠堂党承旨作記兩先生者明復與祖徠先生石守道也龍泉寺在平陰東南四十里齊天統中建寺有石刻劉豫阜昌三年皇子皇弟符改甲乙院亦有碑又阜昌中題名最多此行遊太山者五日靈泉龍泉皆一宿而去得詩凡十首方綱按今靈巖寺中殿西階下党承旨碑陰有先生手蹟石刻云冠氏帥趙侯齊河帥劉侯率將佐來游好問與焉丙申三月廿五日題 故物譜末云丙申八月二十有二日洛州元氏太原房某引 東坡樂府集選末云丙申九月朔書於陽平寓居之東齋 南冠錄引云作詩今四十年矣蓋

南冠錄當作於此年

九年丁酉

四十八歲 八月自太名還太原 遽然子墓碣云丁酉冬復來東州而遽然子下世矣 十年戊戌

四十九歲 秋八月二日別冠氏諸人二十二日入濟源寓舍 十月山陽雨夜詩 千戶趙侯碑云子往客平陽者六年歲戊戌七月以叔父之命將就養於太原侯留連鄭重數日不能別軍行河平子與之偕分道新鄉置酒行營中夜參半把燭相視不覺流涕覆面 傷寒會要序戊戌之夏子將還太原 范鍊師贊引云戊戌之夏子過東平留宿正一宮

十一年己亥

五十歲 己亥元日詩云五十未全老 正月二十七日

於濟瀆祠作老人星贊 續夷堅志云己亥夏四月予自

陽雲臺宮將之上方過天壇中巖洞 倪莊中秋 十一

月十三日雪晴夜半讀書山東龕看月詩

十二年庚子

五十一歲 南庵杏花詩

十三年辛丑

五十二歲 閩侯墓表云辛丑元日子方客東平閩載之

盛為具召予及大興張聖子祁人宋文卿東光勾龍英孺

鎮人劉子新太原崔君卿渾源劉文季壽春田仲德輩飲

於家之養素齋所致客皆名士樂籍又京東之舊飲既洽

談謔間作時客無不滿引舉白

十四年壬寅

五十三歲 正月九日詩自注時欲經營神山別業 夜

宿讀書山詩五十三年等間裏 元氏集驗方序壬寅冬

閒居州里錄予所親驗者為一編目之曰集驗方十二月

吉日書於讀書山之東龕

十五年癸卯

五十四歲 癸卯歲杏花云讀書山前二月尾又云今年

閏年好寒節 四月二十一日病因食豬動氣而作 臨

錦堂記幕府從事劉公子裁其西北隅 謂燕城也 為小圃堂於

其中名曰臨錦癸卯八月公子觴予此堂 八月為中令

耶律公代作祭妣文 九月四日同杜仲梁賦黃華山水

篇 冬過趙州慶源館爲范鍊師作太古堂銘

是年四月王若虛卒年七十先生作墓表云十月好問拜

公墓下 曹徵君墓表云君流寓宏州癸卯冬予自新興

將之燕中乃枉道過之 李君墓碑云癸卯冬予自燕都

還太原道出范陽

十六年甲辰

五十五歲 壽陽縣學記甲辰之春歸自燕雲道壽陽知

有新學往觀焉 四月二十四日忻州郡守等天池祈雨

文 夏五月積雨十餘日不止 兩山行記甲辰夏五月

八日子以事當至崞縣初約定襄李之和偕往適幕府從

事宣德劉惠之平陽李幹臣還軍官山過吾州遂與同行

是日行八十里野宿天涯山前明旦入縣劉李別去子獨

遊神清觀舊聞行臺員外廣寧李純甫棄官學道築環堵

而居聞予來欣然出迎卽日與純甫之和並山而東出雁

門之南夜宿王仲章道正瑞雲庵庵在鳳山之麓道士孫

守真年八十矣亂後無圖志可攷山之故事多從此翁得

之十一日入山半山一峯爲釣魚臺其上爲十八盤爲青

龍嶺爲風門右爲來儀觀觀有天寶四載石記是道學士

董思珍所造觀額政和七年九月兵馬鈐轄知代州王機

建權發遣河東沿邊按撫司公事王誨書明日期城中諸

公不至又明日爲前高之遊 秋留別丹陽詩西山西畔

是并州 秋過寂通庵別陳丈詩 吳君旣表云甲辰冬

子過洛西

十七年乙巳

冬某自燕還幕府

先生夫人毛氏也

五年庚戌

六十一歲

忻州天慶觀重建功德記庚戌春二月子還

自鎮州

順天府營建記庚戌七月子過順天方綱按順

天即今保定府

八月為第四女擇配得世官張氏長子

興祖

蒙古憲宗元年辛亥

六十二歲

夏五月以事來太原借宿大悲僧舍 常君

墓誌辛亥九月晦日自太原東來過仲明之門而仲明下

世十餘日矣

續夷堅志辛亥秋子與毛正卿德義仲昆

郝伯常劉敬之諸人遊順天寶教院寺僧說龍事

十二月十四日為第四女配婿

二年壬子

六十三歲

十月遊承天鎮懸泉 東平賈氏千秋錄後

記云壬子冬十月自真定來東原顯之以此本見示 冬

與大興蕭漢傑相值於東原詩序云與漢傑論余之行年

而有契於心 嚴公祠堂碑壬子孟冬公之嗣子走書幣

及好問於鎮陽

三年癸丑

六十四歲

夏六月客燕中 致樂堂記癸丑之夏余以

事來故都 十一月賦西溪圖詩 濟南孫君墓碑癸丑

之冬予以行臺之召東來

四年甲寅

六十五歲

正月二十三日故關道中詩云六十復半十

六月臺山雜詠 七月自清涼還太原中元日作嵩和尚頌序 九日遊龍泉寺 十二月四日出鎮陽

五年乙卯

六十六歲 二月二十一日歸自汴梁二十五日夜久旱而雨偶記內鄉一詩追錄於此今三十年矣 八月自鎮陽來東平 十一月往鎮州

六年丙辰

六十七歲 九月二十六日挈家遊龍泉 冬十月間居西山之鹿泉

七年丁巳

六十八歲 三月初二日張村杏花詩 尚藥吳辨夫壽家記云丁巳秋七月予將西歸 密國公璫如庵詩文集

於公薨壬辰後二十有一年再刻於大名門下士河東元某爲序 八月初作琴辨引末稱遺山詩老 九月四日先生卒於獲鹿寓舍是年爲宋理宗寶祐五年後三年庚申始爲蒙古世祖中統元年元詩小傳云元世祖在藩邸聞其名將以館閣處之未用而卒王鶚遺山文集後引云國朝將新一代實錄附修遼金二史而首膺是選哀訃遽聞又中統三年李冶序云主上曩居藩邸挹君盛譽一見遽以處之太史氏又壽陽縣學碑陰記中統初聖上龍飛挹先生文學方欲選用而先生已下世矣 先生前配太原張氏再配臨清毛氏子男三人女二人郝經壽元內翰云遺山山頭有舊廬歸來亦足爲歡娛既有墮地風雲之驪駒又有竹花弄語之鷓鴣仰天一笑萬事

足倒騎箕尾遊蓬壺此詩不著歲月先生移居詩有南榮
坐諸郎之句則其時諸子皆已讀書矣移居詩亦不著歲
月中有云我作南冠錄一語不敢私南冠錄成於甲午時
年四十五而先生詩云四十舉兒子則己丑所生之阿千
於時方六歲移居詩蓋又在甲午後也
移居詩云我作野史亭亭在今忻州南十里韓巖村墓銘
云雜錄近世事至百餘萬言書未就而卒此則不止於南
冠錄壬辰雜編矣壬辰雜編不著卷數中州集則家鉉翁
題後亦稱十卷郝經墓銘則曰爲中州集百餘卷又有金
源君臣言行錄亦不著卷數本傳又載杜詩學一卷東坡
詩雅三卷錦機一卷詩文自警十卷而墓銘云詩至五千
五百餘篇碑銘至百餘首又有續夷堅志二卷今所傳詩

文集四十卷一刻於明宏治十一年再刻於 本朝康熙
四十六年皆頤齋張德輝類次之本粗分各體而時地則
未嘗一一細攷也

附錄

先生七歲能詩有神童之目學成下太行渡大河爲箕山
琴臺等詩禮部趙秉文見之以爲近代無此作也於是名
震京師有元才子之稱趙愚軒寄裕之詩有臞元之號先
生自題寫真有短小精悍之語

劉靜修詩百年圖籍有蕭相一代英雄誰蔡公策書紛紛
少顏色空山夜哭遺山翁自注汴亾張蔡公以金寶錄歸
遺山嘗就公膳錄

葛邏祿易之詩維時儒教師矯矯眞天龍乾坤始開廓魚

水欣相從自注世祖嘗因金儒元好問之請為儒教大宗師

歐陽圭齋集近年奉詔修三史一日於翰林故府中檢金人遺書得元遺山裕之手寫壬辰雜編一帙

遺山續夷堅志二卷吳中王起善抄本至正二十三年癸卯歲閏三月十七日丁亥華亭在家道人孫道明明叔借抄前有至順三年朱方石巖民瞻識云此乃先生當中原

陸沈之時皆耳聞目見之事非若洪景盧讀史寓言也

靜樂舊鈔遺山詩後世系畧云元氏本黃帝後自昌意少子受封北國傳至後魏拓跋氏至孝文遷都洛陽改元氏

又傳七世而國祚移遂落籍汝州唐元結官禮部侍郎五季後自汝州遷平定至先生高祖誼宋宣和間官忻州神

虎軍使曾祖春隰州團練使靖康末自平定遷忻祖滋善

金正隆二年始仕為柔服丞所謂銅山府君也生三子長

德明號東巖嘗讀書東山福田精舍

繫舟山在今忻州南山頭佛屋三五間山勢相連石嶺關三十五里趙秉文詩

名字不經從我改便稱元子讀書山 綮舉不第以詩酒自適

先生貴後贈中順大夫此所謂東巖府君也次格官陵

川令以遺山貴贈明威將軍所謂隴城府君也季升字德

清以兄隴城蔭補承奉班亦無子德明生三子長好古字

敏之沒於貞祐二年元兵屠城之難次好謙字益之季即

先生出繼叔父隴城君

遺山集四十卷附錄一卷明儲懽家藏本宏治戊午沁州

李翰為鈔諸梓有李冶徐世隆二序後有王鶚杜仁傑二

跋凡詩十四卷文二十六卷集末附錄一卷儲氏所輯也

按先生入元不仕自是金源遺老長洲顧氏選錄有元一代之詩乃以遺山冠於甲集之首非知人論世之義也

遺山先生年譜
按先生入元不仕自是金源遺老長洲顧氏選錄有元一代之詩乃以遺山冠於甲集之首非知人論世之義也
遺山先生年譜
按先生入元不仕自是金源遺老長洲顧氏選錄有元一代之詩乃以遺山冠於甲集之首非知人論世之義也

元遺山先生年譜



烏程施國祁北研訂 平定張穆誦風校梓

世系

系出 拓拔魏 遠祖結 唐禮部侍郎 曾祖 宋忠顯校尉 祖 滋善 金銅山令

母王氏 母趙氏

生 父德明 東巖君

元配張氏 長阿千叔儀 名撫元汝州知州

父格 隴城君

好問裕之 子次寧兒叔開 名振元太原參佐

繼配毛氏 季阿中叔綱 名摠元都省監印

案集中有改葬阿辛詩以蚤殤不錄失次

長真 壻陳端甫

承安二年丁巳
 宋寧宗慶元三年
 承安三年戊午
 宋寧宗慶元四年
 承安四年己未
 宋寧宗慶元五年
 承安五年庚申十
 二月癸未朔詔改
 明年元
 宋寧宗慶元六年
 泰和元年辛酉
 宋寧宗嘉泰元年
 泰和二年壬戌
 宋寧宗嘉泰二年
 泰和三年癸亥
 宋寧宗嘉泰三年
 泰和四年甲子
 宋寧宗嘉泰四年

八歲
 南冠引云學作詩
 九歲
 十歲
 十一歲
 墓銘云從叔父官
 冀州學士路宣叔
 教之為文
 十二歲
 十三歲
 十四歲
 本傳云從陵川郝
 晉卿學墓銘云其
 叔父為陵川令從
 先大父學
 案是年先生本生
 父東巖君卒詳附
 錄本傳箋
 十五歲
 古意詩云十五學

泰和五年乙丑
 宋寧宗開禧元年

時文續夷堅志載
 陵川瑞花云先人
 宰陵川子年始十
 五
 案陵川西溪圖詩
 注云先君子宴游
 西溪僕以童子侍
 即此時事

鴈邱詞

泰和六年丙寅

十六歲
 新樂府摸魚兒詞
 題序云乙丑赴試
 并州
 十七歲

蒙古太祖鐵木真
 元年

十八歲

泰和七年丁卯
 宋寧宗開禧三年
 蒙古太祖二年

忻州天慶觀記云
 年十八乃一歸南
 冠引云十八先府
 君教之為政

泰和八年戊辰
 宋寧宗嘉定元年

章紀十一月丙辰
 章宗崩衛紹王即

蝶戀花詞題序云

蝶戀花詞

蒙古太祖三年	位	戊辰長安中作
衛紹王 大安元年己巳 正月壬戌改元		二十歲 古意云二十學業 成兩山行記云二 十許時自燕都試 與客登南樓送秦 中諸人引云二十 許時以秋試留長 安中案示程孫詩 云生女四十年知 有為父樂詩為戊 申作長女生于是 年
宋寧宗嘉定二年 蒙古太祖四年		二十一歲 南冠引云庚午隴 城府君卒官扶護 還鄉里余年二十 有一續夷堅志好 問年二十一侍先 君官隴城先人疽 發于鬢用是捐館 二十二歲
大安二年庚午 宋寧宗嘉定三年 蒙古太祖五年		二十二歲 案蒙求序云年二
宋寧宗嘉定四年	衛紹王 來征元史太祖紀	
大寧三年辛未		

蒙古太祖六年	二月帝自將伐金	十餘往太原學舍 與吳庭俊庭英結 夏課于由義西齋 約在是年 二十三歲
崇慶元年壬申 正月朔改元		
宋寧宗嘉定五年 蒙古太祖七年		
至寧元年癸酉 正月改元九月 壬子宣宗改爲 貞祐元年	衛紀八月胡沙虎 害上于邸九月甲 辰宣宗即位	二十四歲
宋寧宗嘉定六年 蒙古太祖八年		
宣宗 貞祐二年甲戌	宣紀五月壬午徙 都汴京又四月河 東州縣亦多殘毀 中州趙元脩城詩 注甲戌歲忻城陷 官復完治敏之兄 銘云殞于二年三 月北兵屠城之禍 中州王萬鍾傳忻 州破死者十餘萬	二十五歲 與聰上人書云甲 戌歲南渡河年二 十有五 案虞坂行故物譜 皆云丙子奉母渡 河是年或以他故 先渡耶 又石龕詩題云避 兵陽曲北山之羊
宋寧宗嘉定七年 蒙古太祖九年		

遺山先生年譜

他年

四

陽泉山莊

題石龕

八時三月三日

谷約在四年

貞祐三年乙亥
宋寧宗嘉定八年
蒙古太祖十年

宣紀五月庚申中

二十六歲

楊振碑

貞祐四年丙子
宋寧宗嘉定九年
蒙古太祖十一年

二十七歲

虞坂行箕山元

興定元年丁丑
九月壬午改元

宣紀五月庚申中

二十八歲

論詩三十首步虛

宋寧宗嘉定十年
蒙古太祖十二年

宣紀五月庚申中

二十九歲

詞八月并州鴈

興定二年戊寅
宋寧宗嘉定十一年
蒙古太祖十三年

宣紀五月庚申中

三十歲

辭明府去思口號

興定三年己卯
宋寧宗嘉定十二年
蒙古太祖十四年

宣紀五月庚申中

三十一歲

得軍華二字還會

興定四年庚辰
宋寧宗嘉定十三年
蒙古太祖十五年

宣紀五月庚申中

三十二歲

善寺即事

興定五年辛巳
宋寧宗嘉定十四年
蒙古太祖十六年

宣紀五月庚申中

三十三歲

玉華谷月夕醉飲

宣紀三月己亥省
試經義進士考官
於常額外多放喬
松等十餘人李復
亨傳三月廷試進
士復亨監試進士
盧元謬誤濫放及
第讀卷官禮部尚
書趙秉文翰林待
制崔禧歸德治中
時敵應奉翰林文
字程嘉善當奪三
史本傳箋

官降職復亨當奪
兩官

元光元年壬午
八月己卯改元

宋寧宗嘉定十五年

蒙古太祖十七年

元光二年癸未

宋寧宗嘉定十六年

蒙古太祖十八年

宣紀十二月庚寅
宣宗崩辛卯哀宗
即位

三十三歲
中州辛愿傳云與
李欽叔在孟津

隱亭 度太白嶺
葉縣雨中
中岳廟記 少林
藥局記

哀 正大元年甲申
正月戊戌朔改元

宗 元

宋寧宗嘉定十七年

蒙古太祖十九年

鄆城 三十五歲
夾灘詩注云春在
孟州閑閑贊云諸
公貢某詞科趙楊
雷薦引十七章露
布注云五月應詞
科叢書記云相國
寺買書

送希顏赴召西臺
孟州夾灘 帝城
野菊一首 上左丞
章宗鐵券行引
秦王擒寶建德降
王世充露布 擬
賀登寶位表 擬
立東宮詔 擬除
樞密使制 擬御

史大夫讓樞密使
表 擬除司農卿
制 蝶戀花詞南京作
出京六月十一日雨
芳華怨 又怨
吏部題名記 警
巡解署記 杜詩
學引 劉景元墓
銘 清涼相塔銘

正大二年乙酉

宋理宗寶慶元年

蒙古太祖二十年

三十六歲
吏部掾屬題名記
云儒林郎權國史
院編修官警巡記
同出京詩注史院
得告歸崧山侍下
杜詩引云夏自京
師還居崧山劉景
元墓銘云夏自京
師來哭其墓

出山 鎮平縣齋
書懷 又覓酒
又寄家 除夜
良佐鏡銘 南陽
廨署上梁文 南
方城作滿江紅一
闕

正大三年丙戌

宋理宗寶慶二年

蒙古太祖二十一年

三十七歲
新樂府滿江紅云
春在方城良佐鏡
銘云四月過汜南
續夷堅志王叟陰
德云予在鎮平日
常過其家
案除夜詩有云折
腰真有陶潛興又
云三十七年今日

陽泉山莊

正大四年丁亥 元史太祖紀二十二年六月夏主李

過是年知為鎮平令至感懷云四十頭顱半白生乃舉成數耳

宿菊潭 半山亭 招中梁飲 內鄉 縣齋書事

正大五年戊子 宋理宗紹定元年 蒙古皇子拖雷監國戊子年

三十九歲 正月晦日內鄉西城游眺紀夢注云七月二十四日內鄉往盧氏宿走馬

行齋賦 新齋賦 長壽山居元夕 內相挽章又三首 長壽新居 西城游眺紀夢 雜詩 觀

正大六年己丑 宋理宗紹定二年 蒙古太宗窩闊台元年

四十歲 東坂詩雅云在內鄉阿干始生詩云四十舉兒子

范寬秦川圖 阿干始生 長慶泉新廟記 東坡詩雅引

正大七年庚寅 宋理宗紹定三年 蒙古太宗二年

四十一歲 竹林記云四月子閑居空空

竹林禪院記 孫伯英墓銘

正大八年辛卯 宋理宗紹定四年 蒙古太宗三年

四十二歲 鄧州新倉記云四月官南陽令宛正 欽叔洞仙歌詞有 無復求鳳語皆見 悼心之意先生是 時母妻並歿尙未 續昏長女已嫁次 女入道所挈以赴 召入京者惟叔儀

出鄧州 宛正 欽叔 京居 希顏挽詩 岐陽 送高信卿 鄧州新倉記 華嚴寂大士銘 南陽縣冷題名記 希顏墓銘 贊皇 太君銘 離南陽後作三奠子詞

天興元年壬辰
正月庚子改元
開興四月甲子
改元天興
宋理宗紹定五年
蒙古太宗四年

哀紀三月壬寅元
兵攻汴城四月丁
巳遣戶部楊居仁
乞和丁卯汴京解
嚴六月庚申塞四
門以便守禦七月
甲申飛虎軍殺北
使唐慶和議遂絕
十二月丙子朔事
勢危急甲申詔議
親出庚子上發南
京辛丑以白撒言
決議東行

四十三歲
移居詩云壬辰困
重圍阿秀銘云三
月朔三女秀卒白
撒傳云三月不自
安命省令史好問
撰乞休表合喜傳
云四月元兵罷攻
呼省令史好問入
賀歸德碑云壬辰
七月承乏左曹都
事良佐碑云官東
曹掾吏部主事南
冠引云京城之圍
子爲東曹都事閑
閑贊云冬以東曹

送浩然師 文學
相過 十二月車駕
東狩後卽事
鎮南節度良佐碑
閑閑公銘 商平
叔銘 族祖處士
銘季女阿秀銘
圍城有懷浙江別
業作玉漏遲詞

天興二年癸巳
宋理宗紹定六年
蒙古太宗六年

哀紀正月戊辰西
面元帥崔立舉兵
爲亂入省殺宰相
奴申阿不白太
后令衛王子從恪
爲梁王監國自爲
太師尚書令鄭王
遂送款大元軍前
四月癸巳立以梁
王從恪荆王守純
及諸宗室男女五
百餘人至青城皆
及于難甲午兩宮
北遷

採知雜權都司中
州引云馮子駿劉
光甫約爲此集以
圍城未暇雲巖詩
序命作石詩未及
案毛氏家訓跋云
向予在汴梁婦翁
提舉君云云先生
入京後當續配毛
夫人

俳體雪香亭雜詠
十五首 四月出京
五月北渡 續小娘
歌 五月十二日閑
閑諱日作 南冠行
與張杜飲 秋夕
雜著 十二月六日
除夜
聶元吉墓銘 聶
季女墓銘 寄中
書令耶律公書
中州集引

之變逆黨有謀害
 已者賴仲華力為
 營護得釋錄大梁
 事云次日立詣軍
 前歸附令官吏士
 庶皆削髮為北朝
 民以省令史元好
 問為左右司員外
 郎蒲察琦傳崔立
 變後令改易中誓
 謂好問曰今日易
 中誓在京人皆可
 琦獨不可崔立碑
 事云立自負救一
 城生靈功謂左司
 員外郎元好問曰
 汝等何時立一碑
 書我反狀數日執
 政召子同麻信之
 入省見首領官元
 裕之曰鄭王救百
 萬生靈功德誠可
 嘉在京官吏父老
 欲為立碑屬之二

君其毋讓又數日
 被督促即為草定
 付裕之又二日宰
 執來召赴省途中
 遇裕之騎馬索子
 因劫以行會飲參
 政幕中王丈在焉
 日入告歸裕之日
 省門已鎖今夕
 宿省中燭至裕之
 曰鄭王碑文今夕
 可畢手也又裕之
 落筆草其事王丈
 曰此文姑使裕之
 作為君作何妨
 予曰裕之作政宜
 其銘詞存予數語
 碑序全裕之作也
 裕之促曹益甫書
 之即于燭前焚其
 藁
 嗚呼先生此時俯
 仰隨人不能奮身
 一決遂至汗偽職

納降款判髮改巾甚而牌序功德幸門一開他日臨川東澗輩得以藉口而先生究非其倫也此生不辰尙何言哉名職之累人不敢爲先生諱

本集四月二十二日寄耶律書二十九日出京五月三日北渡移居詩云明年出青城

案汴京既下居民四出名族皆自拔歸先生眷屬不獨早爲耶律理索而已緣毛夫人家與蒙古滿城帥有連先生與之爲宗盟之僚婿其家必爲萬戶張柔所扶護而出且柔之獨取以金寶錄亦當陰

聊城寒食 贈周良老 寶章小集 紀子正杏園 續陽平十愛 徐威卿相過 卽事望王李歸程 秋夜 喜彥深過聊城 除夕 五翼總領銘 清真觀記 叢書後記 跋名公書

天興三年甲午 宋理宗端平元年 蒙古太宗六年

哀紀正月己酉帝自縊金以崔立傳 六月李伯淵刺立 墜馬死

受先生指雖事不概見皆無可疑者 若先生則自就拘 管同赴聊城矣 四十五歲 清真記云自大梁 拘管聊城南冠引 云拘管聊城子年 四十有五寶章詩 注三月寓聊城至 覺寺移居詩云去 年住佛屋

乙未 宋理宗端平二年 蒙古太宗七年

四十六歲 濟南序云春三月 送李輔之濟南行 記云七月過濟南

正月九日立春 移居八首 杏花 落後 三仙祠 歷下亭 舜泉 華不注山 繡江 有懷 濟南雜詩 十首 題解飛卿 卷 追錄莘縣夢

丙申 宋理宗端平三年 蒙古太宗八年

丁酉 宋理宗嘉熙元年 蒙古太宗九年

戊戌 宋理宗嘉熙二年 蒙古太宗十年

四十七歲

東游略記云三月游泰山中州韓王傳云夏居冠氏東坡引云九月寓陽平

四十八歲

續夷堅志云春何道士來陽平謂子興復記云秋見道文于山陽昭禪師引云八月自大名還太原蕤然子銘云冬復來冠氏

傷寒引云夏將還太原范師真贊云夏過東平留宿正

中所得 煥然生子 戲題新居 紫虛大 冠氏廟學記 濟南行記 送李輔之序

游泰山 龍泉寺 登珂山寺 贈馮內翰 東游略記 故物 東坡樂府引

游黃華山 野谷 道中 太原 外 家南寺 贈郝經 十二月十六日 還冠氏

范文正真贊 興復禪院記 昭禪師引 雨夜 再到新衛 別李周卿 別冠氏諸人 入濟源 寓舍 十月山陽

己亥 宋理宗嘉熙三年 蒙古太宗十一年

庚子 宋理宗嘉熙四年 蒙古太宗十二年

乙宮通仙記云秋客濟上別冠氏詩云八月二日題學易帖後云八月六日入濟源詩云八月二十二日十月詩云在山陽

夜雨 太乙蓮舟 游天壇十三首 范師真詩 冠氏先塋碑 通仙記 傷寒會要 引 范師真贊 題學易帖後

五十歲

元日詩云五十未全老野史才張本 老人星贊云正月過濟瀆祠燕子圖序云秋七月于宋文通家得傳本看月詩云十一月十日讀書山雪晴夜半

元日發濟源 初 學家還讀書山 又雪中 雜花七首 倪莊中秋 送楊次公 九日讀書山十首 東龕看月 明日作 老人星贊 濟源杏花清平樂

五十一歲 中州滕茂實傳云春自山東還鄉里

南庵賦杏花二首 三月十日作七月十六日送馮揚善 東平行臺碑 內翰馮公銘 千戶趙侯碑 蘧然子

辛丑 宋理宗淳祐元年
蒙古太宗十三年

五十二歲
故帥表云元日飲
于家之養素園張
公先德碑云居順
天

代州南樓二首
塔公茂
故帥閣侯表
先生銘 范陽先
德碑 忠武任君
銘

壬寅 宋理宗淳祐二年
蒙古太后乃馬真
稱制元年

五十三歲
晨起詩注云時欲
經營神山別業感
興注云夜宿讀書
山作集驗方引云
冬閑居州里

晨起正月九日感
興都運哀挽 跋
紫微山水四首
寄庵碑 夾谷銘
郭明府碑 惠遠
外門記 集驗方
引

癸卯 宋理宗淳熙三年
蒙古乃馬真二年

五十四歲
杏花詩注云二月
居讀書山病中注
云四月二十一日
晨起臨錦記云八
月觴于燕之臨錦
堂趙州記云八月
過慶源中霍詩注

杏花 病中 宿
中霍道院 水簾
記異 饒谷聖登
巖紀行 宏州贈
曹丈子玉 出都
二首 別緯文兄
通奉趙公碑 武

甲辰 宋理宗淳祐四年
蒙古乃馬真三年

五十五歲
壽陽學記云春歸
自燕雲道壽陽兩
山行記云夏五月
至鄆縣游兩山黃
蔡詩序云秋在洛
陽吳君阡表郭君
墓表云冬過洛西

三月旦日 前高
山雜詩 五月積
雨遣悶 秋留別
丹陽 秋過窮通
庵別陳丈 天涯
山 樗庵 桐川
與仁卿飲 天池
壽陽學記 兩山行
祈雨狀 兩山行
記 濬河渠堰記

乙巳 宋理宗淳祐五年 蒙古乃馬真四年

丙午 宋理宗淳祐六年 蒙古定宗貴由赤元年

丁未 宋理宗淳祐七年 蒙古定宗二年

戊申 宋理宗淳祐八年 蒙古后海迷失稱制元年

己酉 宋理宗淳祐九年 蒙古海迷失二年

庚戌 宋理宗淳祐十年 蒙古海迷失三年

五十六歲 顯武吳君表 廣

與白兄書云往河 感事 舊國 爲

南學母夫人旅殯 鄧八作詩 過三

題名記云秋游 嶺 黃葵花 望熊耳

山祠祭酒碑云冬 嶺 雲巖 九月

過大名雲巖詩序 二十八日作 曲

云十一月來東平 早紀行十首 無

過張聖與家聖像 吏部張公碑 祭酒

費云十二月拜林 馮公碑 紫微觀

廟 記 繪像贊 通

五十七歲 燕子圖詩 九日

胡公碑云過彰德 詠菊 喬千戶挽

徵君表云秋居鎮 詞 朝散胡公碑 龍

州與白兄書云七 月廿三日得足痠

症 寒食 酬李邦彥 送邦彥北行 哭

五十八歲 藏雲表云春居忻 曹子玉 西山歸

州寒食詩云歸自 三泉圓明表云夏

居新興

五十九歲 朝元觀記 圓明

示程孫詩云過南 墓表 藏雲墓表

司農表云九月 樞判書 曹徵君表 與白

過寧晉 墓表 程孫詩 南宮廟學文 清

六十歲 度石嶺關 嘉議王公碑 恆

石嶺關詩云四月 州馬君碑 信武

十四日小亭序云 曹君表 眞定學

八月居鎮州信武 記 三皇堂記

阡表云九月來燕 小亭集序 木庵

都中州後序云秋 集序 孔道輔笏

始刻毛氏跋云冬 銘 毛氏家訓跋

辛亥
宋理宗淳祐十年
蒙古憲宗蒙哥元年

壬子
宋理宗淳祐十二年
蒙古憲宗二年

癸丑
宋理宗寶祐元年

月為四女擇婿 陶然集序

六十二歲
赤壁賦後云五月
來太原宿大悲僧
舍常君銘云九月
自太原東來鄆城
續夷堅志云冬游
順天抱龍巖寶教
院
寒食 九月未見
菊 常仲明挽詞
真定常君銘 善
人白公表 順天
第二碑 天慶功
德記 祭家廟文
題閑閑 赤壁賦後

張德輝行狀云壬
子公與元好問北
觀世祖于潛邸奉
啟請世祖為儒教
大宗師王悅而受
之

六十三歲
送高雄飛序云七
月廿七日入都東
平碑云十月居鎮
陽千秋錄記云十
月自真定來東原
贈詩云遇蕭漢傑
于東原阿平詩云
客須城

六十四歲
致樂堂記云夏以
敬鼎臣同宿順天
僧舍
王黃華碑 宣武
孫君碑 致樂堂
記 靈泉燕集序
鳩水集引 商氏
千秋錄 跋閑閑
詩後 跋劉尊師
山水 跋閑閑草
書 又和韋詩後
故關三首 臺山
雜詠十六首 九
日同游龍泉十二
月四日寄宰魯伯
十日作
高和尙頌序 新
軒樂府引 張仲
軒集序 跋蘇父
子墨集 蒼聰上
人書
二月廿一日歸自
汴梁 偶記內鄉
一詩 端四日感
懷 鎮州 劉時
陵川西溪圖 與

蒙古憲宗三年

甲寅
宋理宗寶祐二年
蒙古憲宗四年

乙卯
宋理宗寶祐三年
蒙古憲宗五年

事來燕都黃華碑
云六月客燕中宣
武牌云冬以行臺
召東來

六十五歲
故關道中詩云正
月秋澗口誨云二
月自汴北歸蒼聰
上人書云四月末
自太原來鎮州高
和尙序云七月自
清涼還太原寄詩
云十二月出鎮陽

六十六歲
壽聖記云夏來燕
城畢侯碑云八月
自鎮陽來十一月

遼山先生年譜

施輯

七

陽泉山莊

往鎮州

舉節制雲南

濮州畢侯碑 東

平學記 壽聖禪

院記 陸氏通鑑

詳節序

龍泉 贈司天王

子正

廉訪使楊公碑

中順張君碑 題

許汾陽詩後 跋

東坡和詩後

杏花

告山師塔銘 東

阿鄉賢記 吳辯

夫壽家記 如庵

詩文序 琴辨引

卒于獲鹿寓舍馬

昇歸葬秀容縣繫

舟山下

丙辰 宋理宗寶祐四年 蒙古憲宗六年

丁巳 宋理宗寶祐五年 蒙古憲宗七年

六十七歲 游龍泉詩云九月二十六日廉訪碑云十月居西山鹿泉

六十八歲 杏花詩云二月二日居張邨壽家記云七月將西歸邨氏墓銘云秋九月卒于獲鹿寓舍馬昇歸葬秀容縣繫舟山下

遺山先生親見國人所欠惟一死耳始讀此集輒擬論著特不敢以後學妄議前賢久之次為年譜知其必不死者

冬狩詩云

何時爭得攜家去萬里秋風一釣船圍城云明年也作江鷗去水宿雲飛共一天仲華云若非脫兔投林了何處而今更有

詩固自有在誠以國史存心一也知交淪歿二也且才名一

世自處不碌碌 避兵詩云世故驅人真有力天工因我豈無心 第不見知于君上簿

書佐領滯于常調 出山詩云少日漫思為世用中年直欲伴僧閒 自楊趙密公故後

朋好皆散之四方存沒不可知其在上者努申阿不白撒合

喜輩庸姦誤國不堪共事圍城中無一知己在逮崔立變起

手無大柄反以虛聲屢招實禍抑遯悶極矣北渡之後才名

照耀無出其右一時推為碩果仰為宗工又蒙古貴臣如耶

律楚材為故交張柔為僚壻嚴實史天澤趙受之趙天錫等

為新知皆愛才下士咸交書幣四方碑版爭趨其門而先生

聲光雖振貧困自如 即事云已被吳中喚僧父卻來河朔作炎兒與鄧人云題詩未要題名字今是

中原一布衣道中空餘姓 周旋之間不過商訂金石評論

詩文而已無他望也所致意者惟私錄之赴告風雅之散心
惓惓於流離遷徙之中寓訪逸徵聞之意庶幾野史亭中成
此一編一集冀以盡忠本朝補救于萬一其力良勤其心良
苦其志亦良可悲已是譜止据詩文大略可攷者按年載入
不敢曲加附會比年歎中凌次仲氏亦有此作惜僅見其目
無由參訂噫推波助瀾得諸同好增華踵事望諸後來我其
為嚆矢乎為濫觴乎

全謝山論甘露牌事以先生在圍城何不早去此手豈可使
著賊不知遺山重名與張正倫等為崔立採望授官轅駒促
縮何處可逃趙雲松論先生云事有干涉與崔立情分素軼
夫反狀一語明挾威制刀鋸滿前情分安在謝山又以碑文
中先太師先東平之稱為降辱大抵因朝臣所諱係後人所

改雲松作詩又有國家不幸詩家幸一語人生至於零落栖
遲呼天搶地悲憤從血性中流出恐無此心要之先生有志
恨之辭移居詩云空悲龍髯絕永負魚腹葬置雖良有餘終身志懲創有解嘲之句題真詩
有冰含太古無人和玉試洪鑪山林且慢蹉跎去莫問人間第幾流自悲身世已不願為第一
流人品量自定矣至其晚年見元世祖于潛邸卒以終身不
仕比之集中諸人如陳時可楊正卿徐世隆李輔之王萬慶
李冶王鶚輩有間矣區區碑事乃先生之不幸也何足以累
先生哉因全趙二論附辨于此

先生師友游從中其年齒有可攷者党懷英長五十六歲王黃華

三十歲皆不及見賈益謙長四十六歲許道真三十歲蕭真卿三十歲趙

閑閑王德新三十一歲郝天挺秦簡夫二十九歲馮叔獻二十八歲楊之美

二十歲曹子玉十七歲王從之十六歲馮延登李俊民十四歲李屏山

十三歲 常仲明 十二歲 張特立 趙濟甫 十一歲 李仁卿 孫伯英 趙端

卿 十歲 魏邦彥 劉雲卿 程威卿 九歲 麻知幾 七歲 雷希顏 康伯祿 六歲

劉景元 王仲澤 商平叔 楊煥然 四歲 秦彥容 二歲 王元卿 月一 〇 田

紫芝少 一歲 李長源 李欽叔 冀京父 二歲 王元禮 李欽用 五歲 張仲

經 六歲 房希白 八歲 王元粹 十二歲 劉京叔 十三歲 王飛伯 十四歲 郝伯

常 三十歲 至劉靜修少 五十歲 吳草廬 同亦不及見志之略見當

時行輩 行中止書字號不列名取易曉也

